



PAMFLET

787







ANTWOORDE  
**V**ande Ridderſchap /  
 Eedelen / en de meeſte Steden van Hollandt  
 ende Weſtbyriellandt / op de Verclaringhe ende Remon-  
 ſtrantie van ſyne Excell<sup>e</sup>. aende Staten Ge-  
 nerael ghedaen tot Dordrecht den  
 vijen. Septembriſ 1587.



TOT D E L F,  
 By Aelbrecht Hendricx. Drucker Ordinarius der  
 Staten s'landts van Hollandt, 1587.  
 MET PRIVILEGIE.

787



1. 1913

Copyright © 1999 by John Wiley & Sons, Inc.

အသံကွဲပြားစွာ ပြောဆိုနိုင်ရန် အသံအင်္ဂါများကို အသုံးပြုရန် လိုအပ်သည်။

© 1994 by The McGraw-Hill Companies

second edition of Campbell 1911

[illegible]

THE TOTAL

By Alberto Hernandez, District Ordinance 32

831. *Abutilon* *sp.*

М. В. КУЗНЕЦОВ



**A**ntvvoordt vande Ridderſchap, Eedelen, ende  
de meeſte Steden van Hollandt ende Weſt-  
vrieſlandt, op de Verclaringhe ende Remon-  
ſtrantie van ſyne Excel<sup>e</sup>. aende Staten Gene-  
rael gedaen tot Dordrecht den vij<sup>en</sup>. Septem-  
bris an<sup>o</sup>. 1587.

**D**E Eurluchtighe Hoochgheboren Furſt Ghe-  
nadighe Heere/ uwe Exc<sup>ie</sup>. verclaringe / remonſtran-  
tie / ende proteſtatie aenden Staten Generael vande  
vereenichde Nederlandſche Provincien den vij<sup>en</sup>.  
der voorleder maent van September / binnen Dor-  
drecht ghedaen/ en den ix<sup>en</sup>. daer aen met uwe Exc<sup>ie</sup>.  
brieuen aende Steden int perticulier gheſonden/ Hebben de Ridder-  
ſchap/ Eedelen en Steden van Hollandt en Weſtvrieſlandt / Staetſ-  
ghewijs vergadert zijnde/ wel en rijpelijk gheexamincert. Ende hoe  
wel tijnhouden der zeluer den ſtaet vanden Lande int ghemeen is be-  
treffende/ En dat mitzdien volghende tghebruyck ende recht vande  
voorſz Landen/ van weghen alle de Landen int ghemeen / d'zelue be-  
hoort beantwoort te worden: Nochtans aengheſien uwe Exc<sup>ie</sup>. ant-  
woort is begheerende/ en dat alſnoch van weghen den Staten Gene-  
rael daer op niet gheantwoort en can worden / deur dien die Ghede-  
puteerde van eenighe Provincien daer toe van haere principalen niet  
en zijn ghelaſt: Zoo hebben die Ridderſchap/ Eedelen/ en Steden  
voornoeint/ omme hen jeghens haere Ma<sup>t</sup>. / uwe Exc<sup>ie</sup>. / en de Ghe-  
meente/ in haren opgeleyden ampt te quijten/ en uwe Exc<sup>ie</sup>. begheer-  
ten te voldoen / tot beantwoordinghe van dien/ noodich bevonden te  
deduceren tghene hier naer volcht.

**I**nden eerſten dat waerachtich/ ende uwe Exc<sup>ie</sup>. kennelick is/  
dat de Landen van Hollandt en Zeelandt inden Jaere xxc.  
lxxij. hen vuyt meer als wettelijke redenen ten Oirloghe je-  
ghens den Spangiaerden ende haere adherenten voorde conſervatie  
vande Landen/ en byſonder tot handthoudinghe vande waere Chri-  
ſtelijke Religie/ Eenſamenlick der Landen en Steden/ priuilegien/  
vrijheden / en gherechtigheden / onder het commandement van mijn  
A ij Heere



Heere den Prince van Oranien H. G. begheuen hebbende. Sijne  
Pr. Er<sup>e</sup>. en de Staten vanden voorsz Landen / beduchtende dat sy  
souden wesen het ghewelt van haere vyanden te wederstaen / hare eer-  
ste toevlucht ghenomen hebben aende Co. Ma<sup>r</sup>. van Engelande:  
Op de welcke zplupden (als wesende beschermersse vande waere  
Christelijke Religie) voorsz allen anderē Potentatē / hen betrouwte ende  
verlaeten hebben. Ende hebben ouer sulcx van haere Ma<sup>r</sup>. by Ghe-  
santen soo inden Jaere xv<sup>e</sup>. lxiiij. als oock inden beginne vande Ja-  
re xv<sup>e</sup>. lxvii. ootmoedelijk haere Ma<sup>r</sup>. genadighe gunste ende hul-  
pe versocht.

Dat daer naer metten Hertoghe van Anjou / eenighe broeder van  
Co. Ma<sup>r</sup>. van Oranien / van wegen den Staten Generael van  
de vereenichde Nederlanden ghehandelt / En naer c'ouerlyden van  
den selfden den Coninck van Oranien totte acceptatie van Sou-  
veraniteyt deser Landen te vergheefs versocht / Ende ten lesten goe-  
de hope vande gunste en assistentie van haere voorsz Ma<sup>r</sup>. van En-  
gelande (soo deur den Heere Ambassadeur Dainson als anderflints)  
gegheuen zijnde / de Staten Generael voornoot aen haere Ma<sup>r</sup>. haer  
Ghesanten gesonden / de Souveraniteyt van Lande geoffereert / en  
van haere Ma<sup>r</sup>. guntelick gemyetreert hebbē een genadich secours  
ende tghene het Tractaet met haere Ma<sup>r</sup>. ghemaect daer van mede  
brenge. Waer vooren de Statē van Hollādt haere Ma<sup>r</sup>. ten Hooch-  
sten bedancken ende aende selue verbonden zijn.

Te meer / ouermits haere voorsz Ma<sup>r</sup>. bouen de ghenadighe assi-  
stentie oock belieft heeft uwe Er<sup>e</sup>. herwaerts ouer te leynde / omme  
haere Onderlaeten in dese Landen tot secours ghelonden / wel te re-  
gieren: alle de zaeken vander Oorloge deser Provincien te promou-  
ren / jeghens haere vyanden / ende nae dat den noot soude vereyschen  
den Staten goeden raede te gheuen tot het Gouernement en defen-  
sie vande voorsz Provincien / ende met alzulke vordere last voorsz uwe  
Er<sup>e</sup>. als voorsz Tractaet mede brenge.

De Staten voorsz bedancken uwe Er<sup>e</sup>. mede / ende houden hem  
oock aende selue verbonden / byt zaethe dat hem belieft heeft / dese  
Landen ten besten / niet alleen de voorsz last van haere Ma<sup>r</sup>. te aen-  
vaerden: Maer bouen dien op de instantie vanden Heeren Staten  
Generael / totte acceptatie vanden staet ende commissie als Gouber-  
neur



ne  
p:  
en  
r:  
de:  
re  
de  
le:  
a:  
k  
n  
l:  
l:  
l:  
l:  
l:  
)  
r  
i  
y  
:  
ne  
ende Capiteyn Generael van alle de vereenichde Nederlanden  
te verstaen.

Ende en is vande zijde vande Staten van Hollandt niet naeghe-  
laeten het Tractaet met haere voorsz Ma<sup>r</sup>. gemaect/ in alle poincten  
naer te comen en achtervolghen/ Ende de Eedelen ende Steden  
van Hollandt respectiuelich hebben mede niet ghelaten/ soo int ont-  
fanghen van uwe Ex<sup>te</sup>. int generael en perticulier/ int voldoen vande  
acte van delatien van het Gouvernemen<sup>t</sup>/ het consent vande Contri-  
butien ende anderlints/ alle cere/ respect/ reuerentie ende danclicbaer-  
heyt/ naer dese Landen ghebruyck/te bewijfen. Doch hebben slyp-  
den uwe Ex<sup>te</sup>. van alle goede Officien inden voorszeden Jaere den  
Landen bewesen/ tot meermael int besonder ten hoochsten bedanckit.

Tis wel waer dat slypden/ metten Ghedeputeerden vande Pro-  
vintien van Zeelandt en Vrieslandt/ uwe Ex<sup>te</sup>. alhier te Lande we-  
sende/ by verscheyden Remonstrantien/ niet behoorlijcke reuerentie/  
hebben verthoont veel zaekendie jeghens der Landen welbaren en  
gherechtigheden/ mitzgaders jeghens het voorsz Tractaet met haere  
Ma<sup>r</sup>. gemaect/ en de acte van delatie van het Gouvernemen<sup>t</sup> waren  
ghepasseert/ soo ouer de Landen int ghemeen/ als de Provincie van  
Hollandt en andere haere naeghebuuren en bondtghenooten int per-  
ticulier/ en daer van redyes verfocht/ maer tselue hebben slypden tot  
voorderinge van deser Lande welbaren/ vryheden/ rechten en priuile-  
gien/ volghende het ampt hendyden opghelept/ ende den Eedt daer  
op ghedaen/ moeten doen: Ende daer mede en is niet anders dan den  
dienst van haere Ma<sup>r</sup>./ ende uwe Ex<sup>te</sup>./ mitzgaders de conseruatie  
vanden staet deser Landen ghesocht.

Het vertreck van uwe Ex<sup>te</sup>. byt dese Landen/ is byden Staten  
voornoeint omme verscheyden redenen uwer Ex<sup>te</sup>. verthoont vooz  
dese Landen seer schadelich en beswaerlich gheacht/ en hebben ouer  
sulcx soo mette Ghedeputeerden van anderen Provincien/ als alleen/  
by alle middelen ghearbejdt/ omme uwe Ex<sup>te</sup>. daer van te duerte-  
ren/ En niet conuende tselue impetreren/ en hebben daerint niet an-  
ders bewillicht dan op vast betrouwen dat uwe Ex<sup>te</sup>. binne twee ofte  
drie maenden soude wederkeeren: en dat geduerende uwe Ex<sup>te</sup>. ab-  
sentie het beleyde van het Gouvernemen<sup>t</sup> generael/ de Raedt van Sta-  
te conform haere Resolutie soude wesen bevolen/ en de Gouverneurs  
van Provincien respectiue in haere wettelijcke authoriteyt gelaeten.

A u

Maer



Maer ouermits eenſighe weecken naer het vertreck van uwe Ex-  
cell<sup>e</sup>. is bevondē/ dat by zeeckere acte / ſoo wel de authoriteyt vanden  
Raedt van State / noopende het generael Goubernement / als van  
Gouverneurs van respectiue Prouintien / sulcx was ghereſtringeert  
en vermindert/ dat onder anderen jeghens het verraet van Deuenter  
(te vooren ghenoech geopenbaert) deur de zelue acte niet en heeft mo-  
ghen voorzien worden/ Soo zijn de Staten voorsz ghenootſaect ge-  
weest jeghens ghelijcke inconuenienten te voorzien/ Niet by vermin-  
deringhe vande eere ofte authoriteyt van uwe Ex<sup>c</sup><sup>ie</sup>. / maer by reſti-  
tutie ofte reintegratie vande authoriteyt vande Gouverneurs vande  
voorsz Prouintien / Die jeghens alle oude gebruyck ende recht van  
den Lande was vermindert.

Eghene naer het verradelick ouerleuerē vande ſtadt van Deuen-  
ter/ en Forten voorsz Zutphen/ (waerinne de Staten ten hoochſte be-  
doeft ende verſlaghen zijn gheweest) noopende den bedoeffden ſtaet  
en gheſtelteniffe van Lande/ mitzgaders de oorſaecken van dien / aen  
haere Ma<sup>r</sup>. ende uwe Ex<sup>c</sup><sup>ie</sup>. gheſchreuen is gheweest / tzelue is ghe-  
ſchiet niet om uwe Ex<sup>c</sup><sup>ie</sup>. eere/ naeme / ofte ghelooff te verminderen /  
Maer inde voorsz verſlaghentheyt/ en omme haere Ma<sup>r</sup>. ende uwe  
Ex<sup>c</sup><sup>ie</sup>. den ſtaet van Lande te representeren/ en te verthoonen de ſwa-  
richeden daerinne de Landen hen bonden/ byt zaecke dat uwe Ex<sup>c</sup><sup>ie</sup>.  
niet nae eenighe Inſtructie/ ofte by advijs van Raedt van State/ veel-  
zaecken den ſtaet van Lande ten hoochſten betreffende/ hadde belieft  
te doen/ Op dat voorden toecommenden tijdt daerinne ſoude mo-  
ghen worden voorzien.

Dat daermede niet ghemeent en is uwe Ex<sup>c</sup><sup>ie</sup>. by tvolck van deſe  
Landen te onteeren / is daer we ghebleecken / dat niemandt van die  
ter vergaderinge van Staten waren ghelonden vande ſelue byen  
coppe is gegheuen/ die dezelue oock niet dan met goede diſcretie/ ende  
aen haere principale hebben ghecommunicert/ Sulcx dat daer van  
weynich kenniſſe onder het volck is gheweest / voorsz ende alcer coppe  
byt Engelandt tot Drecht/ en aen eenighe dienaers van uwe Ex<sup>c</sup><sup>ie</sup>.  
ghelondē zijnde/ de zelue met zeecker ghedichte byen van chienden  
Martij onder de ghemeenten werde gheſtropt / en by middelen van  
dien ghearbeyt / omme den Ghecommitteerden ter vergaderinghen  
van Staten ghelondē/ (die de voorsz byen opt voorsz voorgeval-  
ten verraet hadden doen depelſcheren) te doen beſanopren: Ende en  
is de



is de coppe van voorsz. brieuen aen haere Ma<sup>r</sup>. tot gheenen anderen  
eynde ghesonden / dan op hope dat deselue vande ghesteltentisse deser  
Landen bericht zijnde / des te beter en coeter Resolutie de Ghelanten  
aen haere Ma<sup>r</sup>. ghesondē soude gheuen. Maer de Staten verstaen-  
de dat haere Ma<sup>r</sup>. ende uwe Ex<sup>cie</sup>. het schrijuen vande voorsz. brie-  
uen niet ten besten en verston den / hebben verclaert daer by niet uwe  
Ex<sup>cie</sup>. maer den ghenen die deselue hadden gheabuseert / ghenoteert te  
hebben: en hebben voorts haere Ma<sup>r</sup>. ende uwe Ex<sup>cie</sup>. ghebedē / tghē-  
ne inde selue brieuen te harde mochte gheschreuen zijn / haere ampt  
en ghedaen Edt / het gebruik van Staten deser Landen ( die haere  
Princen en Gouverneurs ghewoon zijn rondelick ende vzelick alle  
zaeckē te remonstrerē ) en bysonder de groote consternatie / daer mede  
de herten vande Staten dier tijdt verlaegghen waren / toe te gheuen.

De Staten voorn bedanken uwe Ex<sup>cie</sup>. dat hy verthouende sy-  
ne heroyecque en magnanime courage / niet jeghenstaende de aduer-  
teyten in dese Landen gheduyende zijn Gouvernement ghevallen /  
en tghene daer op ghevolcht is / gheresolueert is ghebleuen / Omme  
niet alleen vooz dese Landen aen haere Ma<sup>r</sup>. te intercederen / en we-  
der ouer te comen / Maer oock dat hy alle voorgaende zaecten heeft  
in verghetinghe ghestelt / ende aen haere Ma<sup>r</sup>. geintercedeert / omme  
tselue int goede op te nemen / ende dese Landen meer en meer in hare  
gunste ende bystant te behouden.

Insghelijcx bedanken de Staten voorn uwe Ex<sup>cie</sup>. vande groote  
moeyte ende arbeydt / die uwe Ex<sup>cie</sup>. ghedaen heeft / omme de stede  
vander Shyps te ontfetten.

Ende soo veel belanght de belofte die den Welghebozen Graue  
van Hohenlo uwer Ex<sup>cie</sup>. soude moghen hebben ghedaen van zeer-  
ker ghetal Crijchsvolck toe te leynden / ende andere swaricheden die  
uwer Ex<sup>cie</sup>. teghens syne G. soude moghen hebben / en weten daer af  
niet grondelick te sprecken / als niet wesende het werck van Staten /  
Dan laeten hun bedincken dat syne G. sulcx verstaende uwer Ex<sup>cie</sup>.  
dielaengaende goet onderricht ende contentement gheben sal.

Dan tghene aer penningen / wapenen vooz het nyenwe volck van  
Oorloghe / Viures / munitions van Oorloge / en andere costen / tot vor-  
deringhe van het ontfet vander Shyps / byde Staten is opgebracht /  
weet allerbest den Tresorier. Houdē niettemin de Staten voorn vooz  
zeerker /



zeecker / dat van het goet debuoir vande naestghelegghen Probitien/  
als Hollandt en Zeelandt volcomelick sal blijcken / En dat de costen  
van dien al seer veel de hondert vijftich duysent guldens excederen /  
Hoe wel meest alle het volck van Orloghe / twelck tot voozsz ontfet  
ghehuypet worde / tot laste van haere Ma<sup>r</sup>. was / sonder dat slypden  
weten by wat faulten de Stadt ouerghegheuen oft niet ontfet en is:  
Vouen dien dat de hondert duysent ponden by syne Ex<sup>c</sup>. ghemun-  
tionneert op den xxiij<sup>n</sup>. Julij lesleden beloeft zijn byden Generaelen  
Staten niet promptelick / maer binnen den tijdt van een maent daer  
nae volghende ghesurneert te worden. Vooz d'expiratie vande wel-  
cke / namentlijck den vijfden Augusti / de voozsz Stadt Shijps byden  
vpyandt crobert worde.

Dat uwe Ex<sup>c</sup>. ter instantie vande Staten Generael heeft doen  
publiceren zeecker Placcaet teghens den ghenen die niet seditie ende  
populaire factien / den staet deser Landen pooghen te turberen / (we-  
sende meest vyeemdelinghen / en die haer eygen Vaderlandt niet sul-  
ke proceduren int ghewelt der vpyanden hebben doen comen) Tzelus  
verstaen de Staten seer wel / en ter eere ende reputatie vā haere Ma<sup>r</sup>.  
uwe Ex<sup>c</sup>. / en conseruatie vanden staet van Lande ghedaen te zijn:  
En bidden uwe Ex<sup>c</sup>. te willen beuorderē / dat syne voozsz Placcaten  
en Ordonnantien daer op ghemaect / jegghens alle oproerighe en sedi-  
tieuse moghen worden gheexecuteert / Alsoo gheduypende den Orlo-  
ghe dese Landen noyt meer met sulcke siecten en zijn gheinfecteert  
gheweest / als nu / ghelijck onlancx inde Stadt van Vlissinghen is ghe-  
bleecken. Tot welcken verloech de Staten te meer ghedrongen wor-  
den / ouermits sy noyt ghehoort en hebben / dat by alzulke procedu-  
ren / Provincien / Leden ofte Steden zijn gheconserueert / Maer wel  
dat by sulke manieren alle Landtschappen ende Steden zijn geruis-  
neert ende verloozen.

De Staten hebben tot haere grooste leedtwelen wel verstaen / dat  
vooz het vertreck van uwe Ex<sup>c</sup>. vuyt dese Landen / eenighe misver-  
standen tusschen uwe Ex<sup>c</sup>. ende syne G. van Hohenlo / (doch buy-  
ten kennisse vande Staten) waren ontfstaen / Om de welcke te recon-  
cilieren / hebben slypden altyts willich en bereydt geweest haer wt-  
terste debuoir / en alle goede officien te doen / achtende tot vorderinghe  
vanden dienst van haere Ma<sup>r</sup>. / uwe Ex<sup>c</sup>. / ende bysonder tot con-  
seruatie vanden staet deser Landen / ten hoochste noodich / dat by on-  
derlinghe



derlinghe goede correspondentie tusschen uwe Ex<sup>cie</sup>. ende syne G. de  
zaecken vander Orloghe moghen worden ghedirigeert. Ende ghe-  
loouen dat het wépgheeren van volbrenginghe van uwe Ex<sup>cie</sup>. paten-  
ten / deue de questie van het ampt vande Gouverneurs van Provin-  
tien is gheschiet. Ende verhoppen dat niet alleen tusschen uwer Ex<sup>cie</sup>.  
en den Staté int generael en perticulier / maer oock tussche uwe Ex<sup>cie</sup>.  
en syne G. niet behooylick respect / goede eenicheyt / vryndelschap ende  
correspondentie sal worden ghemaect ende onderhouden.

Dat int beghynsel vande maent van Augusto lesleden (ten tijde  
hoope was dat de Duytsche Ruyteren / Knechten en Pionniers niet-  
ten eersten in dese Landen souden comen) byden Staten Generael  
goet ghevonden werde / datmen voor twee maenden een legher te vel-  
de soude brenghen / hebben de Staten oock wel verstaen tot welken  
eynde sghyden opt bevel van uwe Ex<sup>cie</sup>. hebben beoorderd dat syne  
G. van Spennaer / met ontrent duyssent Ruyteren / en een goet ghe-  
tal Voetknechten al in besoldinghe en tot laste van dese Landen we-  
sen / zijn gemarcheert omme de voorsz. Duytsche Ruytere en Knech-  
ten te bejegenen : en daer toe opgebracht in baren ghelde ontrent xl.  
duysent ponden van xl. groote pondt : En ten zelue eynde hebbē sy  
huyden oock aen het vorder volck van Orloge in Hollandt / Ghelder-  
landt / en Queryssel leggende / en andere lasten vander Orloge / zedert  
den zelue tijt / betaelt al veel meer als hondert duyssent gelijcke pondē.

Is waer dat uwe Ex<sup>cie</sup>. int eynde vande voorsz. maent van Au-  
gusto / inden Haghe aende Staten voorsz. ghelonden heeft den Raet-  
heere Bardesius / omme te vorderē Resolutie soo noopedē het Crycht  
volck twelck te velde ghebruyckt soude worden / als vooraet van Vi-  
ures en munitions van Orloghe voorden steden van Aernhem ende  
Berck : Inghelijcks zijn advertentien ghedaen van preparaten van  
byanden te water. Maer opt eerste hebbē de Staten voor antwoort  
verclaert / Wat debvoir by hemuyden opt bevel van uwe Ex<sup>cie</sup>. was  
ghedaen int betaelen vande Ruyteren ende Knechten / met syne G.  
van Spennaer ghemarcheert / ende oock int betaelen van het ander  
volck van Orloghe in Hollandt / Ghelderlandt ende Queryssel leg-  
gende / endedat sghyden nopende het vorder / haere Ghedeputeer-  
den ter vergaderinghe vande Staten Generael souden voorsien niet  
goede Resolutie / omme beneffens de Ghedeputeerde vande andere  
Provincien uwe Ex<sup>cie</sup>. te gheuen goet contentement. Opt tweede  
point is gheantwoordt / dat byden Staten van Hollandt voorden



Heere Onckeren Schenck zedert de maent van Mey ontrent tzeu-  
tich duysent ponden van xl. groosten tpondt aen Viures affghelpro-  
ke/ betacle/ en syne Ghestrengheyt met een goede quantiteyt vā un-  
nitions van Oorloghe ghesluteert was. En dat ontrent zes maen-  
den gheleden/ de Stadt Aernhem met greynē voor meer als xij<sup>c</sup>. Sol-  
daeten een gheheel Jaer/ ende oock met andere Viures/ en een goede  
quantiteyt van munitions van Oirloge was voorszien/ omme jegens  
belegheringhe in vooraet ghehouden te worden: Ende dat zylupden  
daerenbouen gheconsenteert hebben/ dat tot verseeckeringhe ende be-  
waermisse der voorsz steden/ en bysonder voor de Stadt van Aernhem/  
van Rogge binnen Vrecht byden Staten van Hollandt gesonden xl.  
oft l. lasten souden worden gelicht: En dat noch voor xj. duysent gul-  
dē aen viures en munitions van Oirloge/ tot laste van die van Hol-  
landt/ souden worden ghecocht en derwaerts ghesonden. Ende opt  
leste hebben die Staten voorsz met syne Ex<sup>cie</sup>. van Nassau Admirael  
ghecommuniereert/ die zulcke ordre daer op gegeuen en gestelt heeft/ dat  
men vaste hoope heeft dat den ghemeenen vbandt te water niet ghe-  
welt niet veel wrichten sal: Ende houdē de Staten hen verseeckert/  
dat het volck van Oirloghe te water/ hen jegens de ghemeene vban-  
den wel en vromelich quytē sal/ ghelijck zylupden gheduyende den  
Oirloghe seer manlick hebben ghedaen / in verscheyden exploitten:  
Verhopende/ en nochmaels verseeckende/ dat uwe Ex<sup>cie</sup>. de middelen/  
tot onderhoudt van het volck van Oirloghe te water ghedestineert/  
sulx doen beneficieren / en vorderen sal / dat op haer goet onderhoudt  
voorszien zal moghen worden/ ghelijck gheduyende den Oirloghe al-  
tyds is ghedaen.

De Eedelen en Steden van Hollandt hebben omme verke wich-  
tighe redenen/ tot conseruatie vanden staet ende gherechticheden van  
Lande/ ende ten eynde alle zaccken met goede correspondentie voort-  
aen beleydē souden moghen wordē/ op de aencomste van uwe Ex<sup>cie</sup>.  
met goede deliberatie/ en ghemeenen advijs/ ghedreffeert zeeckere Re-  
monstrantie / Daer by sy in effecte hebben begheert dat goet onder-  
scheyt tusschen het ampt van uwe Ex<sup>cie</sup>. als Gouverneur ende Capi-  
teyn Generael/ den Staten int generael en perticulier / en den Gou-  
verneurs van respectue Provincien/ souden worden onderhouden:  
Dat de lasten van Oirloghe ten naesten met het incommen vande  
Contributien souden worden vergheleeken: Dat gherecht zijnde  
tghene inden voorszeden Jaere jeghens de Tractaten was ghedaen /  
En ghediscrediteert zijnde/ die onuerstandt tusschen uwe Ex<sup>cie</sup>. en de  
Staten



Staten soeken te maecten ende boeden/ alle zaechen met goede con-  
fidentie souden worden belepdt.

Deze Remonstrantie met ghemeen advijs/ ende naer voorgaende  
beschrijvinghe int perticulier daer op ghedaen / goetghevonden zijn-  
de/ was den ghedeputeerden vande Staten van Hollandt ghelouden  
ter vergaderinghe van Heeren Staten Generael tot Middelburch  
mede gegheuen / met expresse last omme deselue metten Heeren Sta-  
ten van Zeelandt / en den Ghedeputeerden van anderen ghebneer-  
den Provincien te communiceren/ en daer nae uwer Ex<sup>cie</sup>. van we-  
gen de Provincien die de selue goet vondē / ofte vuyterlick opten nae-  
me vande Staten van Hollandt alleen te presenteren.

Dan alsoo deselue ghedeputeerden omme eenighe consideratien  
de voorsz Remonstrantie niet en hadden ghepresenteert/ Zoo hebben  
die Sedelen ende Steden goetghevonden eenighe van henlynden tot  
Dordrecht aen uwe Ex<sup>cie</sup>. te leynden/ syne aencompte in Hollandt te  
congratuleren / en te versoeken in conferentie ende communicatie te  
moghen comen op de poincten inde Remonstrantie begrepen/ die-  
nende tot goede directie vande saechen vanden Lande voorden toe-  
kommenden tijdt.

Welck versoek by uwe Ex<sup>cie</sup>. ghehoort zijnde/ heeft begheert dat  
de poincten by gheschifte souden worden ouergeleneert/ ende is ouer-  
sulcx deselue Remonstrantie byden voorsz Ghedeputeerden gheexhi-  
beert. Off nu byde selue het vuyten recht oft redene is verthoont / oft  
versoekt / sal blijcken vuyte voorsz Remonstrantie ende naerder ver-  
thoninghe daer op ghemaect.

Vuyt tghene voorsz is / can eenen veghelick verstaen / dat uwe  
Ex<sup>cie</sup>. gheen redene en heeft ( jammers niet jegens de Statē van Hol-  
landt ) omme te protesteren van chaeren laste te willen brengen het  
verlies van eenighe steden/ oft andere onghelucken.

Ten is noch vuyt noch te verwonderen / dat soo wanneer den  
Staten eenige nyeuwe en onverdachte lasten voorghedragē worden/  
slynden clagen dat de Landen deselue te draghen beswaerlick valt.

Want de ghene die met een goede consideratie letten/ dat de Lan-  
den van Hollandt ( die nu ghestadich vijftien Jaren lanck jegens soo  
gheweldighen vyandt in Orloghe gheweest zijn/ ende soo groote la-  
sten hebben moeten draghen ) noch inde twee Jaren tzedert den aen-  
vangh



vanck van het Goubernemēt van uwe Ex<sup>cie</sup>. alleenlick totte loopen  
de lasten bander Orloge te lande/ en houen de lasten bander Orloge  
te water/ en veele andere perticuliere lastē/ als Fortificatien van fron-  
tiersteden en stercken/ logijsgeldē van Soldaeren/ curst en keerssen  
voorden garnisoenen/ en meer andere verdachte en onberdachte on-  
kosten zullen opgebracht hebben/ ontrent neghenendertichmael hon-  
derd duysent guldens/ Sulle lichtelick kunne oordelen dat zelve son-  
der groote beswaernisse niet te weghe en can zyn ghebracht.

Men can niet redene ouer die van Hollandt niet elagen/ van dat sy  
geduyrende het Goubernemēt van uwe Ex<sup>cie</sup>. hen mit contribuieren  
niet beifoorlick en souden hebben ghequeten/ Nademael slypde ghe-  
duyrende den Orloghe noyt soo veel/ ende nochtans wel onghelyck  
micer hebben betaelt/ als oyt in Enghelandt by haere Ghedeputeer-  
den voorgheslaghen ofte verclaert is gheweest dat slypden condeit  
doen/ Hoewel de Landen van Hollandt noyt soo grooten affbreck en  
schade in nauigatie/ handelinge/ ende anderlints/ als inden voorsz  
tydt gheleden hebben.

Ende daeromme achten slypden van groot bedencken/ ende ver-  
wonderen hen seer/ datmen van henlynden vordert verclaringe ende  
verzeckeringe oft haere middelen niet het secours van haere Ma<sup>t</sup>.  
ghenoecghlaen zyn omme het Orloghe te continuieren alst behoort.

Mijn Heere de Prince van Orangien Ho. Ge. heeft met Godes  
hulpe de defentie deser Landen aenghevaert/ en sonder soo heerlicken  
secours als haere Ma<sup>t</sup>. ghenaedelick belieft heeft dese Landen te as-  
sorberen/ sonder de helst van middelen die byde Landen nu in treyn  
gebracht zyn/ de Steden en Sterckte ongefortificeert en van alles on-  
verken/ doch eenige van principaelste van dese Lande ondt eghelwelt  
van vanden wesen/ het groot ghewelt dat de ghemeente vande te  
water en te lande (doch by verscheide legers en equippagien te water  
ghebruyt) door Godes hulpe wederstaet/ sonder dat alzulcke vercla-  
ringhe ofte verzeckeringe ghevoert is gheweest/ En daeromme  
en is gheen redene datmen alzulcke verclaringhe ofte verzecke-  
ringe vordert/ bysonder naedemael de zelve oft tot een groote verme-  
telheyt ofte wantrouwe op Godes ghenade soude moeten strecken.

Naedemael haere Co. Ma<sup>t</sup>. ongelegen is der Lande Souverai-  
neteyt ofte protectie aen te nemē/ ofte den Lande merder secours te  
doe als het Tractaet inhoudt/ So en staet sumers in dese gelegetheyt  
anders



andere niet te doen / dan Godt den Heere almachtich te hulpe te ro-  
men / opt secours dat haere Ma<sup>r</sup>. den Landen bekent te doen / en op  
de middelen en contributien die syden Landen ghecontenteert wor-  
den / eenen goeden staet van Orloghe te maechen / soo veel Ruyteren  
en knechte in dienste der Lande te houden / alsme redelick daer byt  
betaelen can / De Heeren ende Hoofteden onder malcanderen / de Pro-  
vincie / Quartieren en Steden / en de Ghemeente in eenicheyt te hou-  
den / en soo op de zaeke vander Orloghe als aanderen goede ordye te  
stellen / der Landen / Steden en Ghemeenten welvaren en prosperi-  
teyt te vorderen / de placte landen van inleggheringhe en vuytteringhe  
van Ruyteren en knechten te bevinden / ende alsoo op de conserbatie  
van Provincien / Steden en Leden van dien lettende / Van Godt den  
Heere een goede vuytgroeyte te verwachten.

De Staten van Hollandt en weten niet dat by hienhinde / ofte den  
Heeren Staten Generael / Placcate ghemaect zijn / waer bynt de On-  
derlaete van haere Ma<sup>r</sup>. eenighe schaden in Vrankryck soude mo-  
ghen worden aenghedaen / Maer hebben tot meermael gheremon-  
streert / dat sy vzele hadden / dat het Placcate in April anno vijftich  
hondert zessentachtich tot Verechte ghemaecte (sonder dat de Staten  
op de evidente swaericheden / periculen / ende inconuenienten die ay-  
Parent waren daer byt te sulen volghen mochten worden gehoord)  
tot deser Landen groot naedeel / ende offentie vande Naeghebbyren  
was streckende.

Alengaende den Vredehandel verclaeren de Staten voorn / dat sy  
lynden op haere Ma<sup>r</sup>. ende uwe Er<sup>re</sup>. altyds alsulken betrouwen  
hebben ghehad / en allnoch hebben / dat sulunden van gheen vrede en  
zullen tracteren / sonder consent vanden Staeten Generael daer toe  
beschreuen zijnde / volghende het Tractate: En daeromme hebben  
sulunden de kennisse by hun van apparente preparaten van dien ghe-  
ueghen / met alsulche discretie en moderatie ghebruykt / en soo wep-  
nich daer van gheopenbaert / als den beswaerlycken staet deser Lan-  
den heeft lyden moghen.

De Staten voorn hebben wel ghehoort van tghene de Co. Ma<sup>r</sup>.  
van Deventer in Mayo 1604. haere Co. Ma<sup>r</sup>. vclaen-  
gaende heeft doen proponeren / van tghene by haere Ma<sup>r</sup>. daer op ge-  
antwoort en vorder ghevolcht is: Vande negociatie van Andries de  
Loo / hebben sy mede veele advertentien ghade / vuyten monde van  
Heere Ambassadeur van haere Ma<sup>r</sup>. den Baron van Bickenhurck /  
25 iij hebben



hebben sy oock haere Ma<sup>r</sup>. intentie diesaengaende verstaen: Ende veel andere advertentien en advertissementen zijn diesaengaende tot haere kennisse ghecommen/ Die oock alsulke waren/ en van alsulke personen quamen/ datmen de selue sonder apparentie niet en conde houdē/ maer nochtans is daer van seer weynich tot kennisse vande ghenecente ghecommen.

Dan nae dat by uwe Ex<sup>cie</sup>. deur den Raetshereen Valtke en Me<sup>n</sup>in van Staten van Hollandt openbaerlich affgheepscht is geweest verclaeringhe/ oft de Landen ghenoechsame middelen hadden/ omme met het secours van haere Ma<sup>r</sup>. hen seluen te defenderen ende beschermen/ En dat uwe Ex<sup>cie</sup>. oordelde de middelen niet bastandt te wesen/ en by faulte van ghenoechsame middelen den Staten in bedencken stelde/ oft het niet beter en waere vrede te maken op redelike condicien/ En inghevalle de Staten raedtsaem vonden een peys te maken/ dat haere Ma<sup>r</sup>. te vreden was haer daer toe te employeren ten meesten voordeel van Lande: Soo heeft tzelue inden ghenen die van weghen de Lande langhe tijdt te voren die advertissementē hadden ontfanghen/ en by hen noch niet acende vergaderinghe gheopenbaert en waeren/ sulcken naedencken veroorlaet/ dat gheraden gevonden is deselue den Staten tot haere onclastinghe te openen/ Doch is tzelue gheschiet met goede discretie/ ende niet anders als de advertissementen mede brochten.

Ende ouermits de forme van procederē inde selue advertissementen gheroert/ byde vergaderinghe sulcke bevonden worde/ dat deselue gebruyct zijnde tot groote ondienste van haere Ma<sup>r</sup>. / uwe Ex<sup>cie</sup>. / en de Lande souden hebben mogen strecken/ Soo is goetgevondē de voorsz. zaakke te openē eenige publicque Collegien van Lande/ omme haeren goeden raedt ende advijs daerinne te moghen ghebruycken.

Sonder dat int doen vande voorsz. openinge van haere Ma<sup>r</sup>. ofte uwe Ex<sup>cie</sup>. anders dan met behoorlick respect/ reuerentie/ en eerlyck is ghesproocken.

Sonder oock datter eenighe occasie gheweest is/ ofte bypte voorsz. advertissementen genomen heeft moghen wordē/ omme te ghelouen dat haere Ma<sup>r</sup>. ofte uwer Ex<sup>cie</sup>. sonder advijs ofte consent van Staten eenighe vrede souden willen tracteren.

Inmers is soo wel wt voorsz. geproponeerde van uwer Ex<sup>cie</sup>. het ghe-



gheopende van Heere Baron van Bückenhurst/als de voorsz adber-  
tiffementen verstaen / dat haere Ma<sup>r</sup>. sonder kennisse en consent van  
Staten niet en begheerde te tracteren.

Ende daeromme hebbē de Staten van Holland op de voorsz pro-  
posicie van Raetsheren Valck en Denm verclaert / dat syhuden de  
vrede aengaende niet en condon antwoorden/ Maer hebbē hen ghere-  
fereert tot tghene opte openinghe van haere Ma<sup>r</sup>. en uwe Ex<sup>c</sup>. me-  
ninghe diesaengaende aende Staten Generael te doe/ By henhuden  
ter vergaderinge van Staten Generael soude worden vooz resolutie  
inneghebrocht / die sy vertrouwen dat sulcx soude wesen / dat die tot  
conseruatie van waere Christelijke Religie / eensamentlick de priui-  
legien/vrijheden/ende gherechticheden van Lande soude strecken.

Hier byt is lichtelick te verstaen / hoe noode de ghepretendeerde  
gorde Patriotten/die uwe Ex<sup>c</sup>. de voorsz zaecke aengaende soo val-  
sche rapporten hebben ghedaen/souden calumniëren / en hoe hooche-  
lick de welvaert en eenicheyt van Lande henhuden ter herten gaet/  
die uwe Ex<sup>c</sup>. tot het geleouen van voorsz valsche rapporten weten te  
beweghen/ omme alsoo diffidentien en misverstandē tusschen haere  
Ma<sup>r</sup>. en uwe Ex<sup>c</sup>. en den Staten te vorderen / daer inne voozwaer  
seer noodich is ordre gheset.

De ghebnieerde Provincien hebben een Unie en Verbont metten  
anderē ghemaect/en by alle Tractaten bevesticht/ inhoudē de hoe sy-  
huden int handhouden van ghemeene zaecke/int contribueren ende  
tracteren hen sullen regulere/ Waer nae de Statē van Hollandt den  
welcken eenighe gheesten (die arbeiden omme den Landen in onre-  
nicheden/diffidentien en opoerte te stellen) allē den haet op den hals  
willen schuwen/ouermits syhuden der Landen welvaert/vrijheden/  
en gherechticheden/ volgende haeren Eedt en plicht/ begheeren vooz  
te staen/en de zaecke geerne met goede ordre/eenicheyt/en confidentie  
sagen belept / hen met groote cōstantie soo wel in voozspoet als tegē-  
spoet vromelick en getrouwelick hebbē gequeten/gelijck syhude niet  
Godes hulpe hopen te continueren/ Sulcx datmē henhude noch ver-  
latinghe van eenige der ghebnieerde Provincien ofte Stedē van diē/  
noch separatie noch bederf van Lande zal moghen te laste legghen.

De Staten van Hollandt hebben altydts verstaen en verstaē al-  
noch de aucthoriteyt uwe Ex<sup>c</sup>. by het tractaet met haere Ma<sup>r</sup>. ghe-  
maect ende by acte van Staecen Generael ghedefereert te handhou-  
den



den/maer in tghene bouen den inhouden van voorsz Tractate en als  
te is ghepretendeert/ hebben slypden sulcke ordje en redjes begheert  
als tot conserbatie van gherechticheden van lande/pertinente distinc-  
tie van het ampt van uwe Ex<sup>cie</sup>. als Gouverneur Generael de Sta-  
ten Generael en particulier/mitzgaders vande Gouverneurs vande  
Provincien tot onderhoudinghe van alle onderlinghe goede eenicheit/  
verstandt ende correspondentie noodich is/ alles omme redenen ende  
volghende de Remonstrantie uwe Ex<sup>cie</sup>. ghepresenteert mette voorsz  
naerder verclaringhe daerop ghedresseert.

Inghelijcks zijn de Staten van Hollandt te vreden de contributie  
vande twee hondert dussent gulden ter maent niet tghene van ordi-  
naris contributien voorsz loopen den jaere benonden sal worden te  
ghebrecken/ter dispositie van zyne Ex<sup>cie</sup>. ende den Raedt van State  
te stellen. Welverstaende dat de ander Provincien van ghelijck sul-  
len doen/en dat vyfte quote van Hollandt by uwe Ex<sup>cie</sup>. Gdomman-  
tie betack sullen worden de Garnisoenen tractamenten en ander laste  
vander Oorloghe in Hollandt/ ende inden jaere daer vooren slypden  
hen hebben moeten verbinden vassende/ als de de staet daer  
van ghemaeckt/ ofte dat by ghebreck lande daerom ghe de Staten  
vooren vyfte haere quote selts sullen moghen betaelen.

Is immers meer als reden dat van penninghen van Hollandt de  
laste in Hollandt vallen worden betackt/ als in andere Provincie oock  
van allen ouden tijden ghebruict is gheweest.

Van ghelijken is meer als redene dat vyfte selue pennenghe be-  
tackt wordt tghene de Staten van Hollandt ten dienste vande Lan-  
de hebben moeten beloonen aende Garnisoenen van verseyden ste-  
den van Gelderlandt/Quernissel/ en andere naeghebuere Provincie/  
alsoo by ghebrecke van dien niet alleen der Landen ghelooft gheerft  
maer oock die ingheletenen van Hollandt in persoon ende goederen  
daervooren aenghehouden en ghearresteert soude worden/ daer van  
inden voorszeden Jaere den de quade betackinghe al eenighe beghins-  
selen zijn ghebleecken.

En de voorgaende experientie heeft den Staten van Hollandt ge-  
leert dat slypden niet en souden connen verantwoorden datmen de  
penningen van Hollandt alle ter dispositie van uwe Ex<sup>cie</sup>. en Raedt  
van State soude stellen/en de selue vyfte Hollandt laten reccelen/ de  
garnisoenen van Hollandt onbetack latten/ den Vreden en Landen  
van

van H  
de fr

Gener  
meen  
ben o  
ghele  
den h  
neur  
repte  
voni  
ke di  
slyp  
hebl  
ben  
deri  
ghe  
ster  
den  
dal  
da  
wo  
hel  
rel  
on  
E  
be  
di  
te  
d



van Hollandt onbetaelde Ruyteren ende knechten opseynenden / ende  
de Frontieren van Hollandt van alles onversien soude laeten.

¶ Is kennelick dat de Staten van Nederlandtsche Provincien int  
generael en peticulier int draghen van haere consenten / soo tot ghe-  
meene en peticuliere defentie als andersints / deselve ghedragen heb-  
ben op alzulcke bespreecke / condicien / en limitatien als sijn den naer-  
gelegetijep des tijts en der zackē vooꝛde Landē noodich bevou-  
den hebben / Welcke consenten soo byden Princen als den Gouver-  
neurs generael met deselve bespreecken condicien / en limitatien gear-  
cepteert sijn / en hebben de Staten daer van bedauct : Allulcx sal be-  
vonden worden dat int consenteren vande nouenale beede (inde welc-  
ke de Landen van Hollandt int Jaer niet veel meer en betaelden / als  
sijn den gheduerende het Gouvernement van utwe Eric. ter maent  
hebben ghedaen en noch doen ) wel goede poincten en condicien heb-  
ben besproken / en haere consent daer mede gekintert / als onder an-  
deren / Dat sy selfs soude hebben de administratie van haere penin-  
ghen / dat sy haere Commissarisen souden hebben present opte mon-  
steringhe / dat sy het volck van Oirloghe selfs souden betaelen / Dat  
den Prince ofte sijn Lieutenant Generael sorghe souden draghen  
dat het volck van Oirloghe gheen soulen ofte oppressie en deden / ende  
dat de vrije Navigatie Oost en West souden worden ghehantoudt :  
Welck consent nochtans mette vooꝛs bespreecken en condicien danc-  
kelick ghenomen / en den Staten int generael en peticulier in Prin-  
telick woorden beloeft es / alle de vooꝛs en meer andere condicien te  
onderhouden. Waer byt wel te verstaen is / dat de ghene die utwe  
Eric. raeden omme den Staeten soo precise wetten te stellen / als de  
vooꝛs verclaeringhe nopende het draghen van haere consenten me-  
de brenge / gheensints der Landen welbaert ofte conservatie ter her-  
ten is / ofte ten minsten dat sijn den van dese Landē recht ende con-  
dicien niet wel gheinformeert en sijn.

¶ Den staet vander Oirloghe metten Heere Ambassadeur vā haere  
Ma. den Baenderheer vā Buchenhurst ten overstaen van Erieh-  
ouerten ghemaect nopē de besettinghe van garnisoenen / en is niet  
soo beswaerlich / oft het secours van haere Ma. ende de contributien  
van twee hondert dussent guldens ter maent sullen tot voldoeninge  
vanden zeluen staet wel moghen strecken.

¶ Iae als het secours van haere Ma. van vijft dussent voetvolcx /  
en dussent Ruyteren compleet ghehouden / en inde Frontiersteden  
ende



ende Sterckten volghende den voorsz staet mede ghedistribueert en  
ghebruyet worden / Soo en zullen niet alleen de vordere gheraemde  
garnisoenen van Voetvolck / niet een goet ghetal Ruyteren / buyte  
Contributien van Hollandt / Zeelandt / Vtrecht en Vriesslandt rijcke-  
lick de twee derdendeelen van haere besoldinghe moghen prompte-  
lick betaelt worden / Maer sullen bouen dien in alle occurrentien  
een goet ghetal Ruyteren en Soldaeten te velde / ofte in ofte ontrent  
eenighe Steden ofte Sterckten die by beleggeringe aengetast zullen  
worden / ghebruyckt moghen worden / bliuende metten in de andere  
Steden en Sterckten volgende den seluen staet beset / Behoudelick  
dat de Wendelen compleet ghehouden / en tegghens de fraude voorszien  
mach wordē : En alsinē niet goede meenagie en ten minsten coste de  
Landē in goede en meerdere verzeckerheyt soudē willen conseruēre /  
Soo soude binnen dese Landen noch een goet ghetal Ruyteren ende  
linckten by repartitie onder den Provincie / Quartieren / en Steden  
op een derdendeel van besoldinghe voorsz seckere maenden int Jaer  
in waertgheyt moghen ghehouden / en in alle occurrentien ghebruyet  
worden / aenghesien de Landen van veele Capiteynen / Officiers ende  
Soldaeten te voorsz ghedient hebbende wel zijn voorszien.

Aengaende de costen van toerustinghe vande Schepen van Oor-  
loghe te water / hebbē de Staten alrijcs verstaen / en verstaen alsnock /  
dat de Convoyen en Licenten niette goede prijsen en beuyten te wa-  
ter vallende / wel en ten meesten dienste van Lande ghebruyet en ghe-  
beneficeert zijnde / ( ghelijck int beginnen vander Oorloghe ettelijcke  
Jaer is gedaen geweest ) totte betalinge van voorsz lastē niet alleē be-  
vondē sullē wordē te wesen souffisant / maer oock daer vā wel eē goe-  
de somme sal ouerschietē / Daer mede voorsz eenige bequame maenden  
int Jaer / soo tot ontfettinghe vanden Steden ofte Stercken die bele-  
ghert souden worden / als tot affbreck der byanden offensieue soude  
Oorloch gheboert moghen worden.

Dat het volck van oorloge te water inde naeste twee jaren so qua-  
lick betaelt en het achterwesen vande equippage van schepē vā oor-  
loge soo groot gheworden is / Zelfde is gheschiet ouermits gevolcht  
is gheweest de opinie vanden gheenen die wt eenige consideratie (hen  
best bekent) mienen gheheele Provincien (oock die open en tot haren  
besten hebben de grootste en vruchtbaerste Landtschappen vā geheel  
Europa) wt te hongheren en also een eynde vander Oorloge te maec-  
ken / hoe de selue opinie is ghefundeert hebben de naeste drie jarē ghe-  
leert / inde welke by sulcke wegē de minste plaetse niet verouert en is /  
maer



maer wel driemael soo veel goede Steden verloorzen zijn als den vyant  
in Hollandt ende Zeelandt in vier jaeren ten tijde de middellē die Godt  
den Heere deur de natuere van Lande verleende ghebruyct werden/  
met onghelyck meer gheweldts en verlies te water en te lande heeft  
connen veroueren.

De Staeten van Hollandt en ghelobben niet dat de meninghe van  
eenige Provincien ofte Steden is de Burgher-vendelen die niet tot ge-  
meene defensie vanden Lande by kennisse en ordonantie van uwe  
Gracie gebuyct sullen worden/vuyte boorz contribucien te doē betas-  
len/soo dat oock daer deur de contribucien niet vermindert en sul-  
len worden.

Mits alle welke redenen de Riddereschap/Edelen ende Steden  
van Hollandt ende Westvrieslandt voorin uwe Gracie. bidden en ver-  
souchen wt gantscher herten dese haere Antwoorde opte boorz ver-  
claringhe ghenadelijcken en ten besten te verstaen/ God Almachrich  
te hulpe te nemen/en in zijne magnanime en heroyque intentie om-  
me dese Landen teghens den Spangiaerts en haere adherenten on-  
verloenlycke vyanden van waere Chyfteliche Religie/den Welstant  
deser Landen en den goeden Inghesetenen vanden te beschermē/te  
willen continueren byde vereenichde Provincien/den Heeren Erdes-  
len en goede Steden in eenicheyt te blijven/en boorz secker te houden  
dat merre hulpe van Godt dē Heere Almachrich haere Ma<sup>s</sup>. belooffe  
de secours compleet in goede ordie niet behoorycke Monstringhe  
ghhouden/den vorderen staet vander Oorloghe niet her incommen  
van twee hondert duxfene gulden ter maent ghecompasseert opt em-  
plop vande selue twee hondert duxfent gulde ter maent mitzgaders  
tghene vuyt Brabant/Gelderlandt/Vlaenderen/Ouerijfel/Dren-  
te/Twente/Groeningerlandt en ander quartieren onder tgheweldt  
van vyanden zijnde by verdingh en anderlijcs getoghen sal mogen  
worden/opt volle ghetal vande Soldaeten en teghens alle fraude en  
abuylen/en opt onderhouden vande goede discipline militaire goede  
ordie stellende en onderhoudende/ende de Conbopen ende Licenten  
ten meestē dienste van Lande gebeneficeert zijnde/her boorz secours  
en de boorz contribucien ende middelen rijckelijcken sullen strecken/  
omme alle de ghebnteerde Provincien tot vorderinghe vā haere Ma<sup>s</sup>.  
en uwe Gracie. loffelijcke reputatie en tot schade ende affbreck der ghe-  
meene vyanden/te beschermen/sonder dat van noode sal wesen een  
onsecker ofte bedriechelijcke vyede aen te gaen/ofte deser landen saec-  
ken desperact te houden.

C ij

Van



Van onser zijde verhoopen wy vassellifcken en onderanderlifck te onderhouden het tractaet met haere vooz Ma<sup>r</sup>. gemaect/ uwe Er<sup>c</sup>. vooz<sup>z</sup> autoriteyt te hanthouden/ de belooffde consenten en contributien ghetrouwelicken te betalen/ en int bevoorden van alle tgene den welstandt/ eenicheydt en conseruatie van Lande verplickt/ ons sulcx te quijtē/ dat hare Ma<sup>r</sup>. en uwe Er<sup>c</sup>. metter daet sullen verstaen dat wy niet anders van harten en lijn begerende/ dan met behoorlicker danckbaerheyt en constantie de ghenadighe gunste van hare Ma<sup>r</sup>. en de goede wille van uwe Er<sup>c</sup>. totte conseruatie van staet en tghemeene beste deser Landen/ te erkennen/ ende d'selue in alles (wes niet conseruatie van Christelijcke Religie/ de Vysheden/ Gherechtichede/ en Welbaren van Landen gheschieden can) te ghelieuen.

Ten lesten bedancken de Staten vooz haere Ma<sup>r</sup>. seer hoochlycken/ dat haer ghenadighe belieste is dese Landen en den Steden der zeluer te laeten ghenieten t'effect van oude tractaten ende contracten/ tusschen de Coninghen van Enghelant en den Princen van dese Landen/ en oock met eenighe Steden int particulier ghemact/ en sulle van hare zijde int generael en particulier/ so veel hē aengiet op de onderhoudenisse vanden medesulcke ordie stelliē dat haere Ma<sup>r</sup>. uwe Er<sup>c</sup>. en de Enghelsche Natie sullen speuren/ dat sy niet een goeden puer niet anders dan alle goede vromschap en nabuyschap van harten en zyn begherende: Biddende uwe Er<sup>c</sup>. dese hare antwoorde aen hare vooz Ma<sup>r</sup>. ghenadelicken te willen recommanderen.

Albus ghearresteert inden Haaghe den vierden Octobris/ ende is ghesolueret dat daervan ouerleneninge sal werden ghedaen/ Totte Harlem den xvij<sup>en</sup>. Octobris xv<sup>c</sup>. zeuenentachtich/ Ter Oydonnantie vande Staten: Ondergheteyckent

C. de Rechtere.





1  
 2  
 3  
 4  
 5  
 6  
 7  
 8  
 9  
 10  
 11  
 12  
 13  
 14  
 15  
 16  
 17  
 18  
 19  
 20  
 21  
 22  
 23  
 24  
 25  
 26  
 27  
 28  
 29  
 30  
 31  
 32  
 33  
 34  
 35  
 36  
 37  
 38  
 39  
 40  
 41  
 42  
 43  
 44  
 45  
 46  
 47  
 48  
 49  
 50  
 51  
 52  
 53  
 54  
 55  
 56  
 57  
 58  
 59  
 60  
 61  
 62  
 63  
 64  
 65  
 66  
 67  
 68  
 69  
 70  
 71  
 72  
 73  
 74  
 75  
 76  
 77  
 78  
 79  
 80  
 81  
 82  
 83  
 84  
 85  
 86  
 87  
 88  
 89  
 90  
 91  
 92  
 93  
 94  
 95  
 96  
 97  
 98  
 99  
 100  
 101  
 102  
 103  
 104  
 105  
 106  
 107  
 108  
 109  
 110  
 111  
 112  
 113  
 114  
 115  
 116  
 117  
 118  
 119  
 120  
 121  
 122  
 123  
 124  
 125  
 126  
 127  
 128  
 129  
 130  
 131  
 132  
 133  
 134  
 135  
 136  
 137  
 138  
 139  
 140  
 141  
 142  
 143  
 144  
 145  
 146  
 147  
 148  
 149  
 150  
 151  
 152  
 153  
 154  
 155  
 156  
 157  
 158  
 159  
 160  
 161  
 162  
 163  
 164  
 165  
 166  
 167  
 168  
 169  
 170  
 171  
 172  
 173  
 174  
 175  
 176  
 177  
 178  
 179  
 180  
 181  
 182  
 183  
 184  
 185  
 186  
 187  
 188  
 189  
 190  
 191  
 192  
 193  
 194  
 195  
 196  
 197  
 198  
 199  
 200  
 201  
 202  
 203  
 204  
 205  
 206  
 207  
 208  
 209  
 210  
 211  
 212  
 213  
 214  
 215  
 216  
 217  
 218  
 219  
 220  
 221  
 222  
 223  
 224  
 225  
 226  
 227  
 228  
 229  
 230  
 231  
 232  
 233  
 234  
 235  
 236  
 237  
 238  
 239  
 240  
 241  
 242  
 243  
 244  
 245  
 246  
 247  
 248  
 249  
 250  
 251  
 252  
 253  
 254  
 255  
 256  
 257  
 258  
 259  
 260  
 261  
 262  
 263  
 264  
 265  
 266  
 267  
 268  
 269  
 270  
 271  
 272  
 273  
 274  
 275  
 276  
 277  
 278  
 279  
 280  
 281  
 282  
 283  
 284  
 285  
 286  
 287  
 288  
 289  
 290  
 291  
 292  
 293  
 294  
 295  
 296  
 297  
 298  
 299  
 300  
 301  
 302  
 303  
 304  
 305  
 306  
 307  
 308  
 309  
 310  
 311  
 312  
 313  
 314  
 315  
 316  
 317  
 318  
 319  
 320  
 321  
 322  
 323  
 324  
 325  
 326  
 327  
 328  
 329  
 330  
 331  
 332  
 333  
 334  
 335  
 336  
 337  
 338  
 339  
 340  
 341  
 342  
 343  
 344  
 345  
 346  
 347  
 348  
 349  
 350  
 351  
 352  
 353  
 354  
 355  
 356  
 357  
 358  
 359  
 360  
 361  
 362  
 363  
 364  
 365  
 366  
 367  
 368  
 369  
 370  
 371  
 372  
 373  
 374  
 375  
 376  
 377  
 378  
 379  
 380  
 381  
 382  
 383  
 384  
 385  
 386  
 387  
 388  
 389  
 390  
 391  
 392  
 393  
 394  
 395  
 396  
 397  
 398  
 399  
 400  
 401  
 402  
 403  
 404  
 405  
 406  
 407  
 408  
 409  
 410  
 411  
 412  
 413  
 414  
 415  
 416  
 417  
 418  
 419  
 420  
 421  
 422  
 423  
 424  
 425  
 426  
 427  
 428  
 429  
 430  
 431  
 432  
 433  
 434  
 435  
 436  
 437  
 438  
 439  
 440  
 441  
 442  
 443  
 444  
 445  
 446  
 447  
 448  
 449  
 450  
 451  
 452  
 453  
 454  
 455  
 456  
 457  
 458  
 459  
 460  
 461  
 462  
 463  
 464  
 465  
 466  
 467  
 468  
 469  
 470  
 471  
 472  
 473  
 474  
 475  
 476  
 477  
 478  
 479  
 480  
 481  
 482  
 483  
 484  
 485  
 486  
 487  
 488  
 489  
 490  
 491  
 492  
 493  
 494  
 495  
 496  
 497  
 498  
 499  
 500  
 501  
 502  
 503  
 504  
 505  
 506  
 507  
 508  
 509  
 510  
 511  
 512  
 513  
 514  
 515  
 516  
 517  
 518  
 519  
 520  
 521  
 522  
 523  
 524  
 525

ce  
er  
u/  
is  
ni  
co  
c.  
er  
m  
as

13  
06  
114

10-7  
10-8  
10-9  
10-10  
10-11  
10-12  
10-13  
10-14  
10-15  
10-16  
10-17  
10-18  
10-19  
10-20